



## Pedagogalaš bagadeapmi Lih- kadanbálggis - Olgobiras

Dutkan čájeha ahte dearvvašvuodaváttisvuodát lassánit maiddá smávmanáid gaskka. Menddo ollu TV, dihtor ja jaskes doaimmat dagahit čielgeváttuid, fuones motorihka, allergiijaid ja ástmáváttuid ja dáv-  
já nuorvvu leat muhtin dakkár váttut. Rámmaplána dárkkista ahte mánáidgárddia galgá leat olgoeahppo-  
biras mii lea doarvái stuoris areála ektui ja doarvái  
readdut. Dat galget bovdet mánáid oadjebas ja  
hástaleaddji fysalaš doaimmaide (KD 20 06).

Mánáin ii galgga jearrat maid dahje makkár stoah-  
kanreaidduid sii háliidit. Dávjá čájehuvvo ahte sii  
háliidit dan maid dovdet ja dihtet. Pedagogalaš bargit/  
plánejeaddjit galget hábmet ja ráhkadit olgobirrasa  
mii bovde iešguđetlágan doaimmaide ja fysalaš li-  
hkadeapmái. Eanaš mánáidgárddiin leat buorit ol-  
gobirrasat mat bovdjit lihkadeapmái ja stoahkamii.  
Lihkadanbálggis illustrašuvdna lea jurddašuvvon  
idean ja inspirašuvdnan mánáidgárddebargiide. Li-  
hkadanbálgái sáhtá lasihit sihkkelbána ja njuikon-  
bátti-stášuvnna ja viehkanbána dahje eará doaimmat  
váikkuhit dasa ahte mánát bures šieddaluvvet.

Ii dárbbáš álo divrras stoahkanapparáhtaid oastit.  
Ohcet maid billašuvvan biilladeahkaid maid sáhtá  
bardit bajdálaga ja assás ja guhkes telefonstoalppuid  
maid sáhtá bidjat veallut. Daid alde sáhtá balanseret.  
Biilladeahkaid sisa sáhtá goargnut/čáknat ja fas ol-  
ggos.

Dálvet sáhtá bálgái ásahtit huksenbáikki gos mánát  
muohttagis hábmejít eiliid (omd heasttaid ja boh-  
cuid), biejuid ja muohtaádjáid, čierastanluohkáid, lu-  
istenbáikku ja muohtaspáppaid bálkestatbáikkiid.  
Olgun berre maid leat dollasadji, sáttokássa ja lávvu/  
goahti.

